

高

陽

集

高陽集詩卷之九

高陽

孫承澤

詩集

卷九

門人

崇禎

乙未

生

七言絕句

秋雲覆城堞殆青空碧綃障也賦之

萬里青霄擁石林城頭疎雨半晴陰誰將小米  
烟雲筆掛在南屏待晚吟

其二

坐看南山雲起時無花無酒亦相宜却嫌陶令

渾多事滿把寒花待酒卮

秋盡聞鴈

秋盡風花鴈有群孤懷離思正紛紛  
夜來粉蝶東頭月分得長安一片雲

黃華峪周元裕之韻

誰將鬼斧擘蒼瑤峽口星河影動搖  
似是玉龍穿禹穴半天鱗甲落山腰

其二

泊河來恨未收高歡避暑已千秋  
西風吹雨

魚龍夜王母祠前澹不流

黃華峪元裕之後韻

五月黃華花未黃銅牆鐵壁色青蒼珠簾不捲  
房雨掛樹境臺顛露夕陽

其二

山畔晴雲帶雨看風飄夏猶寒隔來水迢  
繞三舍不是官閒到亦難

陶傳

誰把南山作北移東籬猶是舊花枝日來簡點

從前語歲歲編年寫義熙

其二

好將野史試三長  
載筆何堪著作郎  
曾向新詩閱甲子  
始知一士老潯陽

其三

宋家太守顏延年  
道經過餉酒錢  
自是本朝曾識面  
不緣今日始相憐

其四

帝室曾占百二期  
缺軍風肯路人知  
此時自合

休官去不爲腰肢屈小兒

瓦窪坡

坡在冷口關西登坡而北折向東遂通  
冷口予聞冷口抵坡下戍將指石壘曰  
此烈婦墳也當入永平掠生口北出  
有少婦綺服馬上兩兒捉馬將下坡  
大呼墜岬死不知誰氏也掩其骨山之  
下

瓦窪坡裏邊城路飛燕巢林不見家擬死低個

且不死尚留一息見中華

其二

誰家少婦茜裘新馬上猶餘不死身  
纔欲下山山上死玉顏終不染塵

其三

山口猶疑見漢官下山那忍入呼韓  
白溝不渡差堪擬莫作明妃青塚看

其四

錦綺簇來滿路香肯隨騎作新裝  
冷河不管

興亡事日向山前濺五霜

其五

中間誰經萬石林胡笳吹破斷腸吟漢家一片蛾眉月照得中原一片心

其六

何來山下水悠悠日暮悲笳隱戍樓兩頰紅虹飛不斷寒鴉獨匝冷城頭

其七

秋來寒鴈渡愁紅零落山花碧澗中遙憶征人



投馬日玉皇新閣半淒風

其八

新調驃騎爲誰雄  
碧血漣漣野火中  
聽子回來烽正急  
山頭猶見美人虹

東便門二絕句

二年子月便東門  
雙啓重關日已曛  
却念巡城真御史  
爲尋東嚮指氛

其二

兒戲馬潞河灣  
十萬連營扣漢關  
獨以單車

街去不知誰箇望生還

臘八日兒輩譙集以兒銓生日也對雪有  
作

二更霜月闌窓明  
入夜微聞飼葉聲  
曉起披襟驚玉藥  
滿庭寒翠嚮人清

其二

豐年三白咏風人  
凍藥先開月外春  
臘日無風隨意舞  
座中閒識太平身

月下雪

霜月一簾小閣清簷牙白鳳相和鳴羣仙忽効  
雲中駕萬鶴凌風上玉京

其二

誰扶晴雲月湧生霓裳應不減華清最憐脩月  
吳生手白鶴光中散玉英

其三

幾擲霜毫賦有年日華無罨月嬋嬋似緣雍伯  
饒情思分得瑤光種玉田

其四

竹花無影月纖纖  
鶴擎霞衣擁竹簾  
玉漏正沉風正急  
金盤忽瀉水晶鹽

夜坐

老眼攤書五寸燈  
可堪小楷細于蠅  
夜深鐵風邀風語  
身比長廊罷院僧

渝閣以兵藉地之毛  
予下令種柳資軍需  
也再來而柳始花

十萬營成萬仞山大  
羸環薄玉爲灣  
不知官柳栽多少  
初見輕花落研間

其二

山巒水渚柳依依憶得來時雨雪霏一到臨渝  
八百日侍闌重見絮花飛

其三

不嚮春風舞絳紗綰愁牽緒滿天涯十年手植  
初成陣細柳營中學六花

其四

倚樓長笛月明中久破偏隨宛轉風搖落不堪  
愁裏聽滿城甲馬又西東

寒吟

萬里縱橫萬寓寬將軍不復計樓蘭  
鴈來南國芙蓉驛馬歇西原首宿灘

其二

天子神威詠濯靈元戎初匣舊青萍  
宴開丹鳳東西幕節建鉢羅南北庭

題畫

高峰老樹挂虬龍瀑布飛花濺瘦筇  
十里灘聲驚落鴈滿亭秋色擬垂虹

哭同年韓弼我太守

鹿鳴攜手四十年十載分符向遠天  
幾度塞鴻飛不到衡陽驚報落虛絃

其二

曾憶長安春酒杯十三年裏首重回  
無端鴈蕩峰頭月歸落家園入劫灰

其三

五馬翩翩盡有聞鹽車東下總君恩  
阿誰飛路篋中語幾嘆天朝獄吏尊

送式周郭年兄請公車

蓋年伯大司馬  
戊榜云稱尚書家

期予式周

式周副我

玉鈞銀蒜尚書家簾捲沈烟裏杏花七十二齡  
新進士瓊林邀月倚窓紗

得兒錦手書

七郎也寄數行書字字分明問起居一到天涯  
頭更白夜來勾夢到庭除

錦兒寄字云問爹安無事早來

平安無事早歸來字字真誠字字催可耐此身



屬社稷祇今在未能回

程星海夜坐聞濤是日遣將

有客高談霜月清小樓不礙海濤驚天風似惜  
軍容壯竟夜如聞甲馬聲

除夕同兒姪坐小閣念君父深恩感歲

華易邁誠點焉自失也因拈霜髯明朝

又一年句用霜字韻

雪山清映戟枝霜笳鼓聲歡夜未央此夕故園  
人自老那堪白髮更他鄉

二月聞鴈

幾聽華鳥語闌闌盡罷虛弦落照間却訝塞鴻  
偏有胆又隨春信到天山

楊總戎隧碑

曾識公孫何等班于今片石見三山英風想像  
遺踪在化鶴何年竟不還

過曲尺河不入

十里平沙曲尺河小城東畔健兒多倭人似惜  
新亭淚小隊低徊不肯過

中後所

春懶荒臺卅亦稀  
幔亭風日滿征衣  
宸憐玉謝烏衣巷  
無復尋常燕子飛

寧遠

蟲起層巒木拍堤  
邊城風色正淒淒  
相看海燕間來往  
玳瑁無梁借一棲

餅花

高牙風峭戟枝寒  
杏蕊新香春正闌  
却憶章家花樹會  
關城初向一餅看

殫忠樓用兒銰對雨韻

帝城雲樹倍應新  
誰遣風烟柅舊輪  
自是當關饒虎豹  
春來秋鴈更稱臣

其二

鳳水蒼山綠野新  
雨香花徑覩雕輪  
寄聲萬盼樓雙鶴  
莫向雲霄怨老臣

立夏用程幕韻

小院同人認菜花  
應憐闌外野人家  
不知蓂莢春都盡  
尚着狐裘放晚牙

殫忠樓

三十年前獻壽杯  
赤盤麟脯擎高臺  
于今朝雨  
關城下獨望孤雲燕子來

其二

驕風急雨滿回中  
烽火驚傳入漢宮  
聞說至尊  
懷鉅鹿誰堪麟閣定元功

其三

長劍空看高倚雲  
風烟四海自紛紛  
誰家預作  
清平曲故雜悲笳夜夜聞

其四

青罷新袍聽曉鴉坐一虬雲擁繡幡花  
兒夜看  
荒頭落敗向山頭感岳家

其五

秋風白髮故人情  
相對一尊塞外城  
坐久鶯花  
渾故國突來曉角兩三聲

樓中聞笳

西風落木海山秋  
小院誰攢萬里愁  
待得昇平  
歸去日聽笳應說殫忠樓

喜雨

手提孤劍向邊州  
木葉蕭蕭又早秋  
新調健兒身未貼  
那堪風雨暗汀洲

聞笛

短笛誰家曲未停  
高樓初暈數峰青  
一時盡洗笳耳靜  
倚雕欄帶月聽

喜滿趙二都督至

一劍誰當虎豹關  
寂憐俠骨海山間  
夜來風雨驚人起  
合有雙龍下碧灣

室韋部一首

柳城東北地環遼徼越河邊九部驍一自貞觀

朝貢後至今人說有豐貂

室韋平貞觀中初貢豐貂

奚國

白狼河北東邊五部奚斤纓帳連可惜冷棚

十二萬延和不效景雲年

景雲元年奚斤物延和元年以十二萬

氏奚厥族

習國別種也貞觀中入貢

南連潢水四山環風土依稀似奚丹中國聖人



天共大至今只曉舊貞觀

契丹

開元天子祀東都  
扈從一渠修曼  
宸是突于  
爲快快東華公主入平虛

鐵勒

鼓鼙新恩墨未乾  
胡來介弟又承歡  
天家不欲  
渾強盛南北重封小可汗

班婕妤題扇

一霎西風  
落葉空翻翻  
只在殿西東  
須知御手

弄機意可向高臺怨涼風

其二

殿角秋風上翠旗玉鱸香篆繞簾飛尚方侍竊  
朝來起已捲桃笙付典衣

其三

金莖露冷月如霜特下釵頭雙鳳凰但勿南薰  
侵玉體縱縱損腰筇亦何妨

其四

幾看輦路饒秋草便覺涼生水玉中遙憶春風

曾寂寞這回休獨怨秋風

其五

倏然秋思滿銀屏  
颯爽西來夜語鈴  
篋笥未盡仍在握  
且從珠箔撲流螢

其六

玉宇瓊樓五月寒  
縱當朱夏向誰看  
懷中亦有湘妃扇  
閒灑臙脂畫牡丹

讀陶士行傳

八翼天門與八州  
孤兒小吏亦何求  
只因一飯

知賢母雙髮爲兒換有郵

寄一亭

蝶飛綠草翠成茵  
酒滴珍珠倒葛巾  
城上雲陰池上雨  
合來都供研頭春

其二

涓涓秋水草爲堂  
簾捲涼颺燕語梁  
一夜雨添新漲後  
菰蘆學展綠沈槍

其三

山雲矗矗闕孤亭  
木葉初寒片雨青  
枯管拋來

無箇事閒看鸚鵡自梳翎

初夏聞蟬

二月新絲渾盡賣隔林初聽綠絲嬾隴頭風葉  
陌頭種半爲高門促嫁粧

喜雨

呼雨呼晴鳩自親天公總不費機神  
浮灰憂閒煞河間飽仰人

雨夜

一雨突來清夏日却教秋思滿虛聰  
偶傳家語

癯淚况是獨吟對夜缸

馮騎都尉唐墓

棘蒲南畔古城闌  
馮北馮南沙水濱莫惜騎都  
容易老一官白首幾多人

東田莊

屋後青秧水畔扉  
方舟曾憶繫漁磯  
柳花日撲人頭白  
柳葉青青燕子飛

齊家口二首

停杯却立弄潺湲  
水勢平吞虎豹關  
閑說長年

識表嘜白牛灣北駱駝灣

其二

石髮于今尚挂樹浪花當日故漫天  
最憐東下黿龜窟畱得西徧萬井烟

劉生

渡口楊花攪夕曛離情一片共紛紛  
重來鼓枻秋風裏擬采芙蓉持贈君

再過延福淀

花翻蝶未成秋梅雨初晴  
西風

吹大壑農家門外繫漁舟

夜次洛關用汪濟寰給諫韻

天低野曠參橫斜鼓吹迷離亂水涯  
候吏不知人意懶夜深燈火照孤槎

呂仙祠

走轂奔蹄夢裏生道人點破已分明  
紛紛渴睡白袍子猶說寒燈夢不成

黃華

洞老不知成魏晉祠殘何論歷隋唐  
桃花紫氣



年年在爭得閒人對夕陽

牡丹邨小苑

誰家小苑鎖幽香  
映日輕紅過短牆  
似是研光誰舞罷  
倚欄無意掠殘粧

冠縣道中

居人指小坡云今詳史馮令邑時無流店

日夕牛羊小院紛  
居人都說小馮君  
平蕪野磴三川柳  
穠穠春回萬頃雲

其二

桑柘成陰隴麥黃  
千村齊佩令  
若香歎呼聽馬

行樂客鴻灘頭有慙棠

田莊

大渥孤城十里餘幽人初闢藕花居夜來風雨  
蛟龍鬪自課兒童細讀書

其二

八月濤聲夜吼鼉枕邊雜聽打魚歌等閒高揭  
雲霞眼萬頃芙蓉雨一蓑

曉發武遂

灘頭野水曉生寒馬踏楊林月色閑萬壑空青

如有待竄高峰上倚雲看

送本通和尚

種種法從性裏知還來方外訪名緇等閒悟得  
峨眉月到處清光是舊時

送曾省庵

翩翩裘馬走風塵畱得尊前應住身惟向夕陽  
憐倦鳥夜來江月冷親人

白雲觀卽事

羣仙遙望集靈臺羽客霓裳映日開鈴鐸加聞

天外度長生閣上拜初廻

其二

何年鶴返白雲鄉此地空餘脫骨香多少酣歌  
金馬客年年花下問遺方

宮詞

三十六宮渾見月知他清影向誰多珠簾不斷  
春風度又報隣隣翠輦過

周鍊師說經

瑤臺初罷講時鐘寶籙親函入九重自是漢皇

識晏倩肯勞方外訪奇蹤

宮怨

曾侍君王供奉班  
昭陽一別舞衣閒  
楊花管領春多少  
日逐東風伴玉環

少年行

白日翻風易水秋  
滿襟俠氣淬吳鉤  
夜來批得驚家骨  
醉向鱸頭唱酒籌

桃花灣

子呢喃春欲暮  
曉來花信風初度  
知他誰是

武陵人閒盡碧桃千萬樹

芳艸谷

芳芳淒淒隨意綠東風吹雨香盈谷王孫何地  
未歸來盡日白雲看不足

高陽臺

高陽臺迥月如華省識當年上將牙地圻臺空  
人世老夜深古月滿溪花

過督亢亭

水邊籬落野人家處處垂楊宿暮鴉似說舞陽

西獻後孤亭寒色滿天涯

少年行東甯文鱗

玉勒金羈白鼻騮阿郎今夜醉誰家寒鴉啼破  
長安月笑指青樓度落花

王茂才別墅

危樓百尺瞰花城雲卧南窓午夢清一蝶南華  
成栩栩隔林風送步虛聲

送友人

山城吹角月婆娑一笛秋聲向客多已是愁中

聽不得那堪重唱渭城歌

飲王慎庵茂才得其弟乾符調會城報

別抱十年醉裏逢君家兄弟盡人龍尊前忽落  
黃河色一鴈翻雲第幾重

送鄒泗山太史歸豫章二首

秋風浙瀝鴈南飛此夕聞君放逐歸欲寄愁心  
隨去鴈不堪霜露下寒暄

其二

孤臣此夕遂初衣塞馬何勞問是非無那故人



零落盡寒風吹雨夜霏微

大將軍略地過廣寧遂下樓船歸奏方略  
漢家神武振天聲大將初揚海外兵似說乾州  
殘草木欣欣亦解向威名

其二

松山山北十三山鎮日人從舊幅看一見元戎  
結小隊爭教稚子識衣冠

其三

六山山上日飛泉不洗僊巖草木  
報道天家

車騎過聖門桃洞盡鮮妍

十月既望晚抵中後所

青帘白板滿城闌父老依依半病身幾繞幃帷說舊事攢糜猶有未歸人

鹿職方誕日

三逢十月十三日不作家園斗酒歡獨有軍中笳鼓競若爲額手勸加餐

邊城春思

記得春深柳葉齊醉騎驄馬踏花泥邊城新燕

歲巢後小草纔翻碧玉蹄

其二

自是中林歸去遲  
奈園風色重相思  
誰管清角關山曲  
又向南樓月下吹

其三

高樓一望客思鄉  
千里黃沙照夕陽  
莫訝關山春草白  
邊人頭上四時霜

其四

閑扶人看射飛千羣  
礮蹶過青陂平原幾度

憐芳草不爲王孫春未歸

其五

海面寒雲還漠漠山腰野草更菲菲  
等閒略上層樓望草色雲光護客衣

燕來

三月關城春未交去年雙燕帶雛凋  
回翔幾度東風裏又湊花泥補舊巢

其二

高樓風色海山交玳瑁梁間燕子啁  
似說杏花

開爛熳嘶來花瓣補新巢

其三

何處王孫春未歸  
斜陽芳草倍相輝  
侍兒好捲珠簾月  
莫礙新巢燕子飛

其四

燕子啣春春欲歸  
畫堂點綴倍生輝  
倚樓怕有傷春客  
莫向珠簾深處飛

聞劉岱輿將抵關門

毋緣雨雪憶劉生  
此日聞將向此行  
却快春風

饒意緒先隨新燕到邊城

擬明妃曲

偶披明詩有明妃曲數十家殊覺支離  
特擬作正之

應召當庭玉臂寒  
天家親按畫圖看  
衆中多少憐光彩  
只道生來畫亦難

其二

北來不耐理新粧  
玉貌金銷地霜縱  
擬人憐還似舊可堪  
憔悴動君王

霜夜吹箏大點兵  
擬從南牧望南城  
却愁烽火井泉下  
不獨邊人夜夜驚

其三

記得宮中閒夜時  
雲屏珠箔坐彈絳  
祇今蒲部笳起漢  
月低個不忍窺

其四

霜角吹殘漢月明  
學將語兩三聲  
依稀解說中原酒  
不似家湮酪清

其五

幾說黃龍款五原琵琶馬上曲重翻醉來時弄  
黃金璽回向關氏誦漢恩

閔邸抄 丁卯

山水滌迴錦作城二凌風雨太分明籌邊樓上  
平策不說松山幾處兵

夜夢蓮花泊待月

畫舫載來南浦月平分一點與江鄉夜深月避  
蓮花面獨揭蓬牕聽水香

舟行夜泊



片帆高掛鳳城秋影入晴江靜不流滿載月明  
凉似水酒家門外駐行舟

野塘

誰將舴艋載愁來萬斛澆愁次第開一雨橫塘  
流野水藕花叢裏玉人杯

重陽阻雨

同人約共菊花杯叢菊特特冒雨開但使龍山  
尊酒在不妨晴日看花肥

聞官遊擬歸者作

久客長安病拖扉五陵裘馬任輕肥只緣強翰  
鱸魚貴欲買無錢未得歸

桃花園馬上

桃花園裏桃花馬  
蹄日香塵度  
人以穠華  
初過雨紅泥  
延褭馬蹄春

草堂村尋人不遇

古樹環村烏鵲依  
草堂風雪落還飛  
簷頭噉  
窺人意似說  
居停戴雪歸

題友人山居

四十年來器業同貧父猶有古人風只緣姓字  
人間遠移住青山萬木中

登高回衆月尋僧

醉邀新月看花回攜手聽歌門檻堆便向龍山  
賒月色萬松深處問如來

春草

春色纔看二月餘萋萋芳草繞山居平原一望  
三千里此際誰堪讀遠書

野步

幾望蘭舟秋思長  
同人徐步水雲鄉  
怕驚雨岬  
閒鷗鷺收盡灘頭紅蓼香

擬過崔處士林亭

捲簾風送月爲鄰  
擬作新詩洗研塵  
閑徑不緣車馬過  
隔林或有看花人

擬酬王摩詰過林亭

日涉園成漫不關  
白雲直馬到空山  
何緣一着中林色  
繞徑鶯花盡破顏

解闕

幾莖華髮點霜秋自合終身老一丘佳興開尊  
同北海交情懸榻待南州

其二

颯颯秋風吹夜半紛紛涼月白天中世平半謝  
黃頭子齒至先成白髮翁

田家襍咏

樓外烟雲晚更昏倚闌東望失江村西風好倩  
吹殘雨莫遣新棉帶水痕

木棉着雨生痕

其二

種穀垂垂晚穀齊白洋風送亂雲西却愁多雨  
禾生耳不怕新泥馬屢蹄

種穀雨多則倒青生  
忽風穀青可候雨

與村老對飲

晚禾不穗同呼雨旱穀方登共囓風雨雨風風  
無箇事兩翁相對麵杯中

秋日遊李園

野曠風高木葉稀解襟重問釣魚磯湖山一片  
烟霞色留滯灘頭鴈未歸

其二

看山繞了幾臨流更下晴灣好放舟欵乃聲中  
雙鳥下頻令秋思黯滄洲

送王虛之孝廉署清江

標格從來清似水談經得地屬清江庭前倘有  
長松樹可憶松濤月下牕

孝廉讀書  
予松濤亭

其二

水晶光徹西江水苜蓿香生入苑春此去重過  
淮水上當年拔職是何人

馬家河雜咏

博陵東下苑西迷  
解獵亭前水拍堤  
蘭口尚餘瀛水曲  
祇令人誦許公題

其二

秋風轟轟駝駝灣  
萬頃濤聲列遠山  
無限牛羊青草渡  
牧人吹逐杏花間

其三

灏開延福下圜頭  
水擁榆堤半不流  
最是雍城河兩畔  
隔年風送釣魚舟

邊吳淀



滄水東環塘水野邊吳淀頭走馬聖代祗今  
三輔中空餘樓櫓夕陽下

經宋三陵

倚城河畔雨淒淒風捲黃沙水拍堤自是宛陵  
蔥鬱處烏鵲無樹向人啼

其二

白草離離供野燒居人猶解說前朝秋來黍黍  
西偏地盡屬祠官任採樵

其三

木落沙寒何代村，尚餘遺跡隱荒原。似經馬  
藏名姓可有僖，懷幾葉孫。

丹白園九月廿日見葵花

曾向清和識麗姿，秋深仍挹冒霜枝。于今勁氣  
無收處，寂寞閒園草木知。

其二

幾日不聽燕語，梁木綿凋盡。衣來霜小，欄杆外  
西風惡。一點輕紅闕曉妝。

六庄

板與衝暑興偏新綠樹  
芳淨不塵入里兒童  
還識姓開門雛燕亦親人

夏日同齊賓甫經安甫同居六庄

解組歸來鬢有華  
同人相傍野  
幾年東閣  
調觚手新向西園學種瓜

西野得長安陳門人信

結伴相將入遠村  
張羅小巷幾黃昏  
何來野雀  
向人語應恠長安書到門

聞

身終日比雲閒不爲秋風栖碧山却訝枝頭  
數白鳥夕陽飛倦未知還

平野兄從山中投以文石黃精諸珍種種  
時予方以向平僨僕僕蓬壺也小山叢  
桂寧無體慚率成二絕用代尺一兄其  
教我

小園叢桂日無成烽火于今照上京君已有山  
堪借住肯容長嘯飽黃精

重陽日過劉元价司空墓

匹馬凌寒沒錦泥帝城風雨半淒迷幾回搦管  
題糕字零落黃花不忍題

其二

曾向朱明披草萊玄城幽境盡青苔重來白馬  
秋風裏野樹寒雲半不開

半峰亭

半峰和尚有句云天臺雁蕩天下奇有  
生不往將安之亭在毘盧閣之東南

因向家園高閣東半峰亭靜翠微中探來台雁

多奇勝秀句猶堪寄遠公

莫愁湖

斷岸枯荷鴈影秋石城西畔水西頭一泓澹蕩  
心偏遠不爲盧家有莫愁

墾日憇柴荆花下聞鴈有懷家職方時在

南園

一派孤雲天際頭柴荆花爛鴈聲秋依稀似寫  
平安字漫滅雲間不敢投

方正學祠四首

祠在梅崗  
永寧寺後

公侯滾滾上金門。獨着麻衣向至尊。十族有魂招不得。頭顱差可見文孫。

其二

兩袖香烟上惹身。忍將袍笏又更新。多緣聖祖憐莊士。未可乘時附翼鱗。

公詩有襦裙香燭兩袖是

其三

曾聽天語久揮毫。援簡今堪聖主勞。一死正望書檉在。萬年節烈有清曹。

其四

一片枯腸萬刃鋒書生猶說未從容  
天書艸罷樓璉死多少冠裳拜九重

### 木末亭

亭在正學祠後其地高敝下瞰群峰平  
臨木末遂以名亭

一眺梅崗木末亭兒孫羅列萬峰青  
祇緣侍讀英魂在風雨瀟瀟不忍聽

### 對雪

茅檐謾謾靜隨風敲斷虛懸竹几叢  
不是寒鴉



驚鐵鳳却疑疎雨下梧桐

其二

天公無意遮塵涸誰屑寒花鬪曉風大地山河  
渾一界却從何處點晴空

悼鸚鵡

家調鸚鵡三年矣一夕不食死既瘞以  
銘更爲詩悼之

日暖恩恩弄翠衣坐來無語隴雲飛珠簾不捲  
龍閣却待樓頭燕子歸

其二

落日長鳴去住難  
秋風吹帶隴頭寒  
別來舊侶知多少  
西望秦雲不忍看

其三

喜入金閨舞綵霞  
學吹玉管向昭華  
慙慙省識彌生賦  
石枕盛來菡豆花

其四

靜愁鳴鳩午夢醒  
誰家橫笛和愁聽  
別魂消盡渾無賴  
更學秦聲到畫屏

其五

萬里鄉園入夢休  
路迷誰識下江洲  
不須悵望洲前月  
一別江山落木秋

其六

樹頭樹底妬流鶯  
呼酒呼茶字字明  
最是破人春草夢  
紫荊花下大哥聲

其七

春色關珊柳欲眠  
數聲嬌語落花前  
夜來醉作人間渴  
索向茶鐺信不傳

其八

雪白梨花薛荔牆一聲初落曉風香  
別來故國三千里羞伴烏衣語盡梁

其九

鏡鵲池頭花樹多傍池長學柳花歌  
明年花發春池上獨倚朱闌看鵲過

其十

一入深閨損翠顏十年誤點紫雲斑  
衆中毛羽還堪惜綠鴨池頭仔細看

其十一

曉來慵語對花眠，特倩黃鸝說雨前。  
自笑身同雙燕子，傍人門戶受人憐。

其十二

東風初解喚茶時，豆枕新添日影移。  
似說夜來春夢惡，野鴉偏噪最高枝。

其十三

博山鑪煖玉籠寒，小閣輕陰翠羽殘。  
學得語成未解嬌羞不耐倚闌看。

其十四

主恩特重羽毛輕不共黃鸝深樹鳴  
幾向菩提持半偈傍人只解喚茶聲

其十五

學語多年餘舌在語從憐處却堪憎  
身前解受金剛咒好化深林不語僧

偶成

石榴花底火初然一派晴鳩趁午烟  
却憶文華供事寵獨輕環珮日中天

其二

淡泉兩茗試新茶  
小倚樓頭午夢醒  
簾外風花  
都不管  
鸞交庭下自梳翎

夢中一絕  
訟憶後聯醒來足成之

江雨瀟瀟駐木蘭  
誰家長笛倚風殘  
春容似醉  
秋容老  
醉把寒花仔細看

入同口

西風吹雁幾行秋  
一老河干理釣鉤  
窠是漁家  
幾時眠  
荳花棚下有孤舟

擬楊鐵崖小遊仙

何處緋嶺罷次筌便領羣仙上玉京無限鳳鸞  
相唱和浪傳拔宅有鸚鵡

其二

東風交報海雲生若木枝頭海日明偃月似聞  
還許惜瑤華初見召飛瓊

其三

羣玉峰頭日欲俱西來瑤水擁蓬壺等閒海上  
三山客寫作人間五岳圖



一入壺山歲月餘却從新局算年華東公似愛  
饒仙骨乞崇山頭弄綵霞

其四

五色曇雲擁佩瑤雲車隨日下扶桑離來世界  
知多少個個人騎白鳳凰

秋意題文

紅葉一翻牕映紗水涵新月滿枕霞風來自覺  
披襟快同伴相邀醉菊華

再紀夢

辛亥正月

再入長安謁帝居十年空愧一囊糲如何清夢  
逡巡語不說曾陳董買書

河橋步雨

雙鳬西下詠如虹細柳新蒲烟雨  
中此日重來晴更雨土花石髮泣長風

其二

雨寒青蘋海雲生帆落橋迴一葦輕  
莫向大堤橫畫橫浪花十里亂蛙聲

雲中聞徐文江老師左遷留都

胡天五月月如霜  
孤館殘燈夜未央  
却怪青蠅緣底事  
帶來秋色滿胡床

其二

暮雨瀟瀟度逐臣  
片帆南下鷓鴣新  
等閒莫弄白門月  
恐觸蛾眉妬月人

望仙亭

白笈青鞋興味賒  
停鞭遙望五雲車  
人傳直北赤松裏  
時有仙人弄彩霞

過城南

綠陰初長薄羅秋斜月輕風蕩小舟柳外差池  
冲絮燕似憐春色在枝頭

陸家河

鰣魚夜穴河之澚亂水奔流橫子午安得淇園  
萬竿竹化作水犀三千弩

雍城

寂寞孤邨亂水涯古堤殘壘幾人家老農枯坐  
渾無事日看清風送浪花

八月朔日仍泊江口

江南山色向人清  
八月風濤覺更平  
枯坐小窓無箇事  
漫從三老等歸程

過石帆山

一名  
砦山

片帆初挂大江灣  
萬里風輕指顧間  
南望渺茫青一點  
舟人停櫂說砦山

快船謠

帝城千里龍江驛  
江上如林馬快船  
慎勿近前嗔內監  
朝來差出進時鮮

謁南禺暮道中

青衫白鼻騮少年同學幾豪華風流浙越  
人琴盡恐見垂楊宿留鴉

文淵閣封稿同張君一先輩

雲盤層閣擁飛龍共入天家第幾重立簇兩班  
投冊子玉函金鑰有黃封

其二

金馬幾年長避世樞郎終日羨群仙一囊正索  
長安米館吏來呈筆札錢

送姜抑若城南讀書

掠罷雲鬟盡遠峰自憐嬌立許誰同夜來聞得  
官家信又選蛾眉入漢宮

棊碁臺

松風謾謾金徽冷壇月依依玉局閒似有澗泉  
操白雪可容樵斧爛青山

會仙府

帝閭咫尺敞仙臺琳札續紛紜不開漢帝誤傳  
青鳥使半生東海覓蓬萊

白龍洞

爲吹斷白雲封鼎鼎橘州第幾重不是六花  
寒度馬可知千尺玉蟠龍

集仙洞

羣仙遙集紫霞壇碧落翩翩下玉鸞脈脈寒泉  
滴不微拾來瑇碧總成丹

太玄泉

青丘老人開深藏蛭蝓隨鱗脂片片香不須更挽  
河車水一飲玄泉百日糧

辭嶽



清角猶疑聞帝闕  
碧簫何處覓仙蹤  
回空千嶂寒空裏  
片片輕雲落雪松

曉過懸空寺大風雪

苦憶懸空辨客塵  
不禁風色滯行人  
山靈爲我拂雲磴  
倍取桃花水面春

春日別同社友用劉子貞韻

它鄉物候意偏驚  
况是應劉別夜情  
鼓角聲中眠不得  
隣鷄相伴下春更

春醒

年年幾欲賦登樓醉裏逢春意未休聞道山中  
千日酒十千應遣百年愁

戲爲周振所作

鬢雲初結漢宮黃幾曲新筆翠袖香不是兜羅  
絃不貫好拚一顧認周郎

其二

聞說海棠花綻蹊不堪重續擬紅題明年花裏  
春如許盡脫鷓鴣裝付酒奚

錢梅谷以御史過任丘

牙冠南下日迷離山岳驚摧輿馬嘶獨憶彈丸  
棲鳳地褰帷一問幾遺黎

挽趙瞻巖廣文先生

先生于同里過成山劉方瀛陸開仲諸  
君子雅稱莫逆予間從諸君子悉先生  
卽兒輩執經遊先生門先生日發其蒙  
也蓋子姓十餘輩無不人人坐春風者  
先生攜季子數千里外五年食水晶鹽  
曾不受憂予嘉其志介爲詩悼之

南鴻不斷暮雲飛問字人還風露微病裏磨磨  
鄉語急不知身是夢中歸

其二

三千里外泛孤槎日倚寒雲數暮鴉無限放魂  
招不得春風隨意繞庭花

其三

載酒相歡綴勝遊詞壇無地覓風流短檠不煖  
爐烟裊應識孤窓一段愁

其四

白蘋水滿雨黃昏獨歟寒梅未返魂此日湖南  
春草遍遙知孤閣憶王孫

其五

牆角孤檠泣曉涿倉庚隨燕舞東風蹊成桃李  
春歸去絳帳無人花自紅

夢題杏林春宴圖

官袍新綠柳含烟寶馬香風逐曉驕  
春燕子雙雙飛舞杏花天

岳家灣望弘濟橋有懷錢明府若木

野棠小憩影婆娑萬里橋頭靜不波  
夜向蓮花洋上望橫舟夾岼月明多

送李泰伯光素年丈之太原

寢苦相逢罷酒卮  
皋泉烽火夜來時  
蒲枝艾葉關離緒  
不獨并州有故思

其二

寶笈瓊書擁上清  
蟠桃開遍玉華明  
一從丹竈燒鉛後  
緩嶺方吹子晉笙

閱邸報雜詠

辛酉

逃兵半赴西曹舊逃吏今看東嚮新經略朝來  
更請劍不知決意斬何人

其二

清轡巡方堪死報爭教疆吏又生還新軍莫訝  
無精甲暫借官人作面顏

其三

從容解佩牙前井慷慨同綴都護堂待得漢關  
歌吹入莫愁無面入遼陽

其四

秋風吹水黃泥窪月傍關山夜聽笳此去遼陽  
幾百里誰云隔岸有黃沙

其五

風起沙飛三岔西玉關關外放  
邊人不解東征意只道天朝棄舊黎

其六

次律應非應世材是誰推轂強登臺夜來有客  
談開鐵未必降是禍胎

其七



二月東風鴈字新  
喜從開鐵略遺民  
帝書草就星先隕  
九地應憐報主身

其八

平生偏愛郭汾陽  
卓騎猶堪向戰場  
盡說野心不可結  
一時羅拜遍名王

其九

監軍新駐小西平  
莫倚屢當數萬兵  
北去孤城三百里  
不知犄角嚮何城

其十

走向長安賣寶鞘  
西京俠氣未全拋  
市人莫識搜名姓  
自有刀痕爲解嘲

其十一

建炎誰更戰  
符離取壁圍  
虹兩自疑搖  
扇不堪當  
溽暑奮刀  
那可左降

宋邵宏淵李綱忠事

其十二

詰年辛苦結戎行  
白骨青燐古戰場  
莫恠城中渾解甲  
得當仍復是遼陽

其十三

須知萬里破長風莫向長安細論功學畫從來  
先畫鬼遠人初手易爲工

其十四

中元秋信月三更騎薄初寒陡欲生聞說聖人  
將御座一齊簇向裏頭行

其十五

長安門湧月輪西照影隨人上御堤劍佩已趨  
瑤水上雲中猶自聽鳴鷄

題畫

柳外春風擁畫橋  
奚囊攜酒伴魚舸  
江天二月烟如織  
點綴孤峰半未消

戲贈劉蒲陽

文園似解白頭吟  
夜雨孤燈半不禁  
自是玉臺憐獨臥  
不關別館有琴心

題給諫壽母冊

草閣花明玉柳香  
對燈風雨夜鳴蜩  
大人幾許憐滂母  
不必垂魚問北堂

蓮花港分韻得浦口回船惜菱荷

蒲月凌波生極浦  
菡萏搖風渾欲語  
何處漁舟夜不歸  
田田亂拂張魚罟

其二

鳴榔纔辦酒家錢  
一醉漁娃帶月眠  
耐可西隣租吏鬧  
踏翻門外打魚船

其三

琉璃千頃湧纖阿  
夜永無風細作波  
一曲櫓歌天欲雨  
却隨明月點青荷

聞砧

八月高城砧杵秋隨風飛度殿西頭九重正憶  
遼州苦不獨征西促賜裘

其二

萬戶秋風急挫鍼寒蟬啼月鵲驚林恠來刀斗  
聲中意半在深閨少婦心

其三

玉堂清寂露華稠夜漏沈沈月影流滿月號寒  
衣不得萬家砧杵爲誰秋

其四

莎羽寒催萬里衣  
秋聲颯爽破重幃  
清砧不散流黃月  
擣盡霜華歸未歸

春懷感落花

一片飛花上碧牕  
迴風舞雪影幢幢  
枝頭鈿粉勞新燕  
花底金鈴鬧吠厖

其二

脉脉春懷更向誰  
故園別後杳無期  
蓬門不借東風掃  
怕有高軒破燕泥

其三

芳樹分花嫩玉除承來團扇影徐徐春風亦解  
銷香骨莫道涼颺妬婕妤

其四

聞道君王大破陣三千逐隊選名姝不知若箇  
明妃似莫爲千金誤畫圖

其五

聞說天家養牡丹多從臘日報平安休看花落  
嬌鶯語便道皇州春色闌

其六



老枝結綠伴風烟莫道紅銷未可憐不信請看  
枝上月夜來猶自弄嬋娟

其七

夕日紅香帶雨過祇緣一葉著庭柯枝頭嘖嘖  
護兒鵲却恨枝頭葉未多

其八

滿天風雨擁娉婷國色朝酣半未醒雙鶴不知  
春聚散啄殘紅粒日梳翎

其九

曾憶朝元供奉日杏花新馬試春衫幾看花步  
東風軟一任空梁燕語誦

憶江南梅花

玉壺未泮浸斜暉獨抱春寒晝掩扉記得凌風  
臺畔路黃昏初帶暗香歸

其二

薊門寒峭上元間水滿河梁雪滿山頗有亭前  
雙玉色不隨飛雪度江關

兒輩書來云天雨雹

丁卯

四月風電大雨來羣心應自識凌競小儒莫便  
陳災異麟鳳頻年有瑞徵

坐丹白園廢門有感

園既廢作屋矣門獨在汪長倩曾題其  
裏行曰松菊主

僻地初成丹白園紫荊花襯坐開尊祇今丹白  
隨花老白髮青山雨閉門

其二

人斲木聲丁丁細雨微風選勝亭坐遍柳陰

無箇事閒雲初擁萬山青

董茂才索詩題贈一絕

翩翩雛鳳紫庭賒五色文章照絳霞知爾家園  
窺未得年來開遍洛如花

秋日偕呂茂才陳太學飲甯年侄水亭

芙蓉樓下水徘徊百道金光映日開  
迤照花城翻錦繡環波石檻鋪莓苔

其二

孤閣臨流混太清烟波渺渺抱重城西風莫捲

枯荷盡醉客重來聽雨聲

其三

漁舸菱茨擁娑娑采采西風積漸多  
歸棹滿撿蓮葉港鳴榔齊唱竹枝歌

出塞

十日中後所作

霜華臂手綠沈槍隊隊擎擎大道傍  
車過彎身齊唱喏葉家東畔設新防

其二

一劍何堪報主恩幔亭星月下黃昏可能省識

山川意歸向君王聚米論

其三

畫角鳴鳴起暮烟馬頭明月更清圓到來枯坐  
孤燈裏鈴索聲中聽管絃

中右所不寐

蒲城鈴柝夜如何檐馬西風攪夢多白髮蕭蕭  
人不寐半窺新月照天河

望園山營

丹崖萬頃小園山百草腴霜水亂鳴却笑半生

文墨手漫隨老草向兵間

副將軍桂同大將軍世祿巡大河

四十三馬六十一以晦前一日師  
行再越宿而捷至志喜

偏將英風大將才一呼輕騎控絃開入辭鈴閣  
時無幾箭吏遙傳吉語來

壯歌亭

入夜聽殘定夜鍾萬山白月擁芙蓉殿更不敢  
調絃管風靜時傳擣練春

閨方箭手二首

三年又見柳依依  
細柳營中刻柳歸  
却喜丹墀新燕子  
學成白羽水平飛

其二

朔方初試關山月  
羽簇平穿金埒侯  
竄是健兒  
渾脫手曾隨驃騎  
射長楸

月下再聞砧

流黃石上月如梭  
折疊重重見月過  
霜杵不妨和月色  
却愁新練月痕多



小凌河

小山曲曲小凌河錦水成文纔不波偶憶蓮花  
泊裏月一帆風色伴漁蓑

立秋先一夕聞砧

高城鷺鳥學雲飛薄暮征人帶雨歸只恐秋風  
吹不盡早將秋意擣秋衣

月下聞砧坐中客曰力不盡

擣砧初試月明中不是恁侗手未工此夕懶敲  
石上月好當別日石尤風

駐臨海鄉看秋鴈歸

小亭枯坐聽鳴珂一派黃雲度鴈過似說海  
堪牧馬不知水草近如何

夜大風雨不寐因念諸將士

離離禾黍漸登場夾雨西風夜更涼野繒不嫌  
秋面目却愁霜冷綠沈槍

其二

十三山外馬家湖野草青青鳥自呼趁得金錢  
還採摘歸來隨馬學吹簫

其三

聽子新從塞外回分明親到廟山臺  
遼人盡說遼人苦只望天兵動地來

其四

秋風撼撼小圃山萬馬嘶雲草未斑  
騎吏驚籤飛海外水犀合隊射潮還

恭承三朝恩眷而寸草不能報春暉賦以  
志愧

記得登朝侍聖神金爐香裊拜綵綸  
親承六字

龍鸞下五色雲中第二人

其二

記得黑衣捧玉輪  
聖謨浹月萬年新  
親承宮庶文華下  
詞苑恩班只一人

其三

記得加恩拜紫宸  
此生敢復有生身  
親承天語龍書案  
倚賴惟鄉第一人

夜四鼓聞鴈

鴈度寒雲入夜清  
霜殘曉角更分明  
秋來夜色

涼如水況是孤窓月四更

尋花

小徑逶迤亂水涯阿蘭東去野人家  
流鶯聲裏夕陽下覓得閒園幾樹花

王舍人竹樓

擬向林間作醉侯紫薇郎舍竹爲樓看雲有興  
仙人鶴倚檻無心海客鷗

雨中聽琴彈別鶴操

何年雙鶴怨離群入指那堪雨夜聞  
却是琴心

清苦甚隨他，曉外有文君。

酬胡三憑人問牡丹

誰買滕肢醬牡丹，何如拉客倚雕欄。  
胡公憑寄花無恙，便可攜壺月下看。

竹亭

小苑霜筠種幾竿，青蒼時引子猷看。  
似從黃竹西池咏，分得瑤山一片寒。

舟中夜月聞笛

秋江橋燕語秋風，水定黃昏月滿空。  
正是魚龍

秋睡穩斷腸聲在月明中

竹

一札平安問此君東頭夜雨漫相聞移來幾箇  
蒼龍尾占盡瀟湘一片雲

其二

簣簣谷口倚風行瑟瑟藍田玉一泓何處高人  
偏得憑看殘夕日未通名

夢作

寶馬風迴縹緲香小亭挾雨入新涼慙來獨抱

空山月夢破啼鴉夜更長

杏山

月上曾聽畫角鳴  
征人嗚咽不勝情  
居東又作東征賦  
孤劍霜華滿杏城

步過馬龍坡

振衣初上馬龍坡  
仄徑巉巖千仞多  
自後土人說故事  
相公從此步行過

水峪寺閱王鑑心都尉所相地

峩眉山月湧清流  
一曲石河萬頃秋  
最是晉卿



饒意緒千金不惜買平丘

吉家營雪

攬轡年來入塞頻  
百花輕散馬蹄塵  
誰知鴛鴦池頭雪  
描寫猿驚鶴戀人

度大盤嶺

幾驅小隊此躋攀  
獨佩天風萬馬間  
碧眼胡僧相耳語  
應嫌白髮點青山

憶鹿乾嶽

借君談笑淨沙同  
病相看鬢有華  
江月照人

應咫尺嗟予白髮尚天涯

其二

桑乾水咽盧溝月柳港風翻海甸氛  
匹馬南來饒感慨那堪回首念離羣

其三

鹿門真氣滿江洲未許塵過白溝  
團練嚮時弓箭社歸來單騎到林丘

其四

塞上烟塵日未央有誰曾可其平章  
遙知風起

雲飛日念我孤征天一方

閱王覺斯集有憶文文起詩作一絕憶文

起

到日都城掩九扉君來無語更依依  
衆中會得相看意十里塵其雪飛

哭門人李元治少師

居第當傳肯卜鄰交情老大更相親  
無端遽抱關山月隔我三年笑語頻

其二

海內交遊已漸稀  
眼前老友幾相依  
夜來驚有西園信  
淚洒東風滿客衣

碑忠樓兒鈐賦鴈字二絕句

誰將雲鳥紀東征  
鴈陣驚看露布成  
莫訝收來刁斗意  
歐陽邀去賦秋聲

其二

遼澤蘆花漢月新  
正關秋老未歸身  
幾行鴈得冥飛意  
應有西風寄弋人

漁家

買得漁家舴艋舟一竿風雨大江頭  
漁娃新學漁家傲縱使無魚亦不愁

其二

江上何時興廢豪滿江明月一漁舫  
四腮換得三辰酒五兩平看八月濤

其三

青衫何處濕琵琶醉眼誰看過客槎  
明月也嫌簫鼓鬧盡攢清影伴蘆花

其四

釣罷西陽睡未醒  
蓬窓遙聚四山青  
祗愁張翰  
饒秋思日課鱸魚不肯停

其五

一望青帘便泊船  
醉來時向酒家眠  
兒童又報  
胷頭滿載半分償舊酒錢

其六

江上分風日未晡  
教兒浴罷學操瓜  
九淵縱遇  
驪龍睡莫羨千金領下珠

其七

長安貴客接公卿日向侯門過此生何似浮家  
獨抱月小鮮一傲五侯鯖

其八

呵凍提篙手未蘇滿船涼月雪糝糊  
舊家不解漁家苦好作寒江釣雪圖

其九

攬月批風抱一梭荳花水長鯉魚多  
灘頭杭熟原堪醉不爲家貧乞監河

其十

夜深漁火照江邊  
罷釣隨流一扣舷  
前路風迴聞鼓吹  
客舟貪夜入湘川

其十一

夜來無酒對漁娃  
却負江天滿月華  
忽見浪花高尺許  
迎風新釣重脣鯊

其十二

帆白沙明霜月微  
一甌新酒蟹初肥  
放舟結伴蘆花港  
莫管遊人上釣磯

其十三



不到江心不弄潮日隨鷗鷺伴山樵夜來燕子  
磯頭坐醉聽閒僧說六朝

哭馬滄淵大將

潯水西南擁萬群元戎特領五將軍揮刀贖得  
盧龍塞鵬鶚猶盤戰後雲

其二

歸來五間自行成雜種紛紛作內兵一片賀蘭  
山上月清光特照漢家營

駐撫寧雜咏

大將雲麾下大東排來十萬領雄風班家夜半  
康居火半照龍山夜雨紅

其二

土窟驕成五餌通漁陽鼙鼓北平東極知狡計  
過淮蔡雨夜何如雪夜功

秋思

邊城對菊

西風夕日晚香來幕府黃花繞砌栽似惜淵明  
歸去晚特將新蕊傲霜開

其二

青將秋色媚重陽猶向秋深鬪晚香自是生當  
秋世界不關俠骨傲風霜

其三

白羽馳飛放早衙吏人初散倚黃花南山似解  
悠然意湊合寒鄉處士家

其四

采采秋英秋可餐却憐笳鼓座中看從來秋晚  
霜花重不爲霜枝特地寒

其五

三月邊城看杏花曾憐春色野人家于今秋暮  
邊城裏又報堦頭菊有華

九日殫忠樓作

東籬東海雨豪華幕府秋風處士家仔細較來  
清更勝重陽無酒亦無花

軍中雜咏

萬馬嘶雲壁外城和門刁斗聽嚴更等閒一片  
灤河月幾度榆關百隊兵

其二

元戎戟手謁平臯窄袖弓衣插佩刀騎吏忽傳  
天使下蠟花新賜坐虬袍

諸將

負蓐當秋日掩扉將軍別塞解裝歸刀環滿佩  
桃林月亂吐清霜繞砌飛

其二

家人清夢到遼西珠箔瓊樓櫪馬嘶恰直元戎  
新讌罷醉喚窓外語黃鸝

其三

通河秋冷月輪高大將酬恩試寶刀鐵騎三千  
彈左箭蟠花新繡紫虬袍

其四

野草萋萋野兔肥將軍夜獵掩羣歸解鈎卸勒  
秋霜冷虎搬重脊大打圍

其五

緝來犀玉滿坪頭歸去傳呼盡列侯最是功成  
延賀客玉簫金管下瀛洲

其六

角山山上醉呼盧一擲渾忘百萬無  
盤裏四排宮錦樣相看豪手賭 雄

其七

夜半先馳白鼻騮青燐明滅遠山厓  
玉韞偏坐橫繁弱不分官家式怒蛙

其八

元戎戰手擁神臯夜聽秋箴漢月高  
行轡一登相慰藉烹羊煮酒照橫刀

其九

關城嗷嗷編初鳴  
靜過聞馬聲  
鼓吏刺  
投小報大營合陣  
練新兵

其十

將軍新向戰場回  
玉帶虬袍天馬狻  
醉後却  
笳鼓聞紛紛  
綵管擁樓臺

其十一

邊城宿將承新恩  
高會中衢開大尊  
夜半酒酣  
誇膽略特牽猿臂  
指刀痕

紀事



蘇陽身言 卷之六  
漁陽鼙鼓未全消生口捕來稚亦驕燎火驚傳  
三十里夜調新馬換金鑣

其二

絳蠟初銷玉漏寒東來烽火報呼韓中丞節鉞  
封侯急莫遣重稱天可憐

其三

大盤南望下高臺古路斜銜片石來昨夜元戎  
新料備呼龍關外有重垓

其四

寧城城外築重城十里金湯舊有名可是赫連  
蒸土就不妨  
馬夜縱橫

關門行

薊門風日慘重陰不向諸公嘆陸沈匹馬東行  
孤劍在倚天時作老龍吟

夢儒學舊隸人謁道傍名馬自還時候九

鯢 旨云

清夜無端入夢來倘然乘傳賜馳回遂初有賦  
還堪賦贏得人稱老秀才

聞鐘

秋深枯坐意偏雄一派秋聲明月東  
宸是高樓  
饒意智邀來疎韻向秋風

不寐

百歲平分宵且身可從覺夢認誰真  
華山睡客  
貪清夢應悔高春一欠伸

夜坐

手拊東郊百萬人轉于僮僕倍相親  
夜來聞得  
西歸言箇箇同歎比鴈臣

其二

病骨難堪玉帶圍敢從鷗鷺論忘機  
健兒似說秋防盡快着家山舊紵衣

其三

百萬甲兵上將壇五鐙麾頭映霜寒  
自憐半世匡時手頭白關門學據鞍

大將軍出塞破首駱駝巢

建昌關外鬱嵯峨大將提兵散駱駝  
夜半偵人傳吉語平明初駐瓦窰坡

仲冬望之夜憶去年仲冬望之夜

去年此日謁承明  
撼撼風塵滿帝京  
却喜舊時東閣月  
相隨手板到重城

其二

裏衣擁月鳳城東  
初見東官倪小戎  
一劍隨行四十里  
風烟同在月明中

其三

甲士登陴醉未殘  
故人相見敢成歡  
宸憐今夕長安月  
共向清平世界看

其四

絳蠟燒殘夜二更擁衣枯坐賦東征疎櫺不聞  
寒風入爲憶寒風上帝城

朱大將軍罷鎮歸中前投函問我爲詩羨  
之

秋箠吹散馬蹄塵唾手歸來百戰身纔出玉關  
三十里一牕高臥太平人

其二

關門八里繞穹廬上將誰彎金僕姑念爾和戎

高陽集詩

卷之九

七

古尚在能將表餌佐平

其三

小隊曾遊白塔峪元戎初試黑庄窠道傍一啜  
千人廢八部降王未敢過

其四

朝恩一拜觀軍容  
騎千羣錦水東最是寧山  
餘勇在滿城齊唱黑王公

其五

黃渠雨雪擁寒風十萬東人歸向東却喜元戎

祖士雅與君攜手入關中

冬夜

故更新從輦上來依依相見任低徊  
生憎不解征人意只說天恩未許回

其二

觀軍何日下承明  
枯管題殘老婢聲  
自是東來單騎在不妨  
夜雪擁雙旌

宋總戎燒荒出塞遂有事于西

探得旂房滿大盤  
橫磨一劍倚雕鞍  
俞兒小試



飛鵬手盡縛降王馬上晉

夢在鄉

孤曉風細聽荒雞却憶東頭條欲齊歲歲相親  
還計歲那堪經歲又東西

齋居雜詠

黃金合色抱旌旗幾縷清烟急暮炊鼓角隨風  
驚左启元戎初報散操時

其二

戒頭旌節捲晴空牙角雲回破浪風支罷月糧

官吏敬海天清朗日當中

其三

海口晴鴉立遠帆風濤無復戢征衫東來島上  
晴雲滿應有飛書到海南

其四

千里風烟當晝昏排來鴛鴦擁和門漁陽老將  
談新戰幾度褰裳指箭痕

紀夢

紅紅白白關春風光景分明三月中古徑不知

何代樹比肩開遍木芙蓉

孫男之涉編次

卷之九終